



Fundargerð nr. 154 Fræðslunefnd Flóahrepps

Fundarstaður: Þingborg fundarsalur
Fundardagur: Þriðjudagur 26. nóvember 2024
Fundartími: Flóaskóli 16:30-17:45
Sameiginlegt 17:45-17:55
Krakkaborg 17:55-18:30

Fundarmenn: Bjarni Stefánsson, formaður
Margrét Drífa Guðmundsdóttir, aðalmaður
Axel Páll Einarsson, ritari
Hjalti Guðmundsson, aðalmaður
Sævar Örn Sigurvinsson, aðalmaður

Þórunn Jónasdóttir, skólastjóri Flóaskóla
Íris Grétarsdóttir, fulltrúi kennara Flóaskóla
Catharina Krentel, fulltrúi skólaráðs

Sara Guðjónsdóttir, leikskólastjóri Krakkaborgar
Þórdís Þormóðsdóttir, fulltrúi starfsmanna Krakkaborgar
Helga Rut Hallgrímsdóttir, fulltrúi foreldra Krakkaborgar

Undir þessu lið sátu: Bjarni Stefánsson, Margrét Drífa Guðmundsdóttir, Axel Páll Einarsson, Hjalti Guðmundsson, Sævar Örn Sigurvinsson, Þórunn Jónasdóttir, Íris Grétarsdóttir og Catharina Krentel,

1. Flóaskóli

a. Fréttir af skólastarfinu.

Frá miðjum október unnu nemendur í yngsta stigi með himingeiminn, geimfara og sögu geimferða. Þau luku sinni vinnu um miðjan nóvember með vasaljósiferð í Kolsholt. Á miðstigi var viðfangsefnið Afmælisveislan mín – grænu skrefin, eins og nafnið gefur til kynna þá voru nemendur að vinna að ýmiskonar verkefnum tengdum afmælisundirbúningi og voru með umhverfisvæn sjónarmið að leiðarljósi. Þeirra verkefni lauk með kynningu fyrir samnemendur. Verkefni nemenda á elsta stigi er leiksýning og eru þau í óða önn að undirbúa leiksýninguna Stellu í orlofi. 27. nóvember er leiksýningin. Einleikurinn er byggður á kvikmynd Guðnýjar Halldórsdóttur. Leikstjóri er Hjálmar Benónýsson íslenskukennari og handritshöfundur er Hallfríður Ósk Aðalsteinsdóttir deildarstjóri.

Næsta þema er byggt á grunnþættinum lýðræði og mannréttindi. Elsta stig fær jafningjafræðslu í heimsókn til sín og vinnur verkefni tengd kynvitund og kynjafræði. Yngsta og miðstig eru að vinna verkefni tengd jólum um allan heim þar sem horft er til ólíkra samfélaga og hvernig jólahald er á ólíkum stöðum.

Föstudaginn 8.11. var baráttudagur gegn einelti, þann dag voru samkvæmt venju haldnir Vinaleikar í Flóaskóla, þá hittust vinabekkir og vörðu saman tíma við nám og leik þar sem áherslan var lögð samvinnu og góð samskipti. Skipulag vinabekkjanna er



þannig að 1. og 6. bekkur vinna saman og helst sú samvinna alveg þar til bekkirnir eru í 5. og 10. bekk.

20. nóvember fengum við fulltrúa Landverndar í heimsókn hann afhenti okkur nýjan grænfána.

Elsta stigið lýkur svo nóvembermánuði í Menningarferð í Reykjavík með skólunum í Uppsveitum Árnessýslu. Lagt verður upp á fimmtudagsmorgni og komið heim um miðjan dag á föstudegi. Nánari upplýsingar verða sendar heim til unglinganna þegar nær dregur. Miðstigið fer í Flúðaskóla, á skólatíma, föstudaginn 29. nóvember í smiðjur.

Jóladagskrá tekur svo við eftir helgina á mánudag verður kyndlaganga og skreytingadagur. 10. desember verður jólasýning 1.-7. bekkja. 17.-19. desember verða svo jólahringekjur og hátíðarmatur og 20. eru stofujól og jóladiskó áður en allir halda í jólaleyfi.

b. Skólapúlsinn

Farið yfir niðurstöður nemendakönnunar með Fræðslunefnd. Skólapúls má nálgast á heimasíðu Flóaskóla og því ekki farið í ákveðna liði í fundargerð en nemendakönnunin fer fram í u.þ.b. 40 nemenda úrtökum sem dreift er samhverft yfir skólaárið þar sem fjöldi úrtaka fer eftir stærð hvers skóla fyrir sig. Flóaskóli kemur ágætlega út að mörgu leyti, einhverjir liðir eru marktækt undir og aðrir yfir. En þegar á heildina er litið líður börnunum vel í skólanum og ber skólinn þess merki um að vera lítill skóli og ætti því að vera auðvelt að bregðast við ákveðnum liðum í könnuninni.

c. Til kynningar

Aðgerðaráætlun vegna skólaforðunar SVÁ. Skóla- og velferðarþjónusta Árnesþings (SVÁ) og grunnskólar á svæðinu hafa markað sér sameiginlega sýn á skilgreiningu á skólaforðun og hvernig skuli brugðist við ef skólasókn nemenda er ófullnægjandi með sameiginlegri viðbragðsáætlun. Í stuttu máli eru skólarnir að gera sameiginlega viðbragðsáætlun við langvarandi fjarvistir nemenda, og áhugavert atriði að ef nemendi missir úr 18 daga á skólaári er það heilt skólaár á grunnskóla tímanum.

d. Stoðþjónusta

Stöðumat og áherslur hafa verið kynnt fyrir Fræðslunefnd oft áður og gott að fara í gegnum þetta, en í stuttu máli felur stoðþjónustan í sér; „Stoðþjónusta er heiti yfir þau úrræði sem skólinn býr yfir og er ætlað að stuðla að alhliða þroska nemenda. Leitast er við að styrkja sjálfsmynd nemenda með því að leggja áherslu á styrkleika og um leið efla aðra þætti á jákvæðan hátt. Markmið stoðþjónustunnar er ávallt að sinna þörfum hvers og eins með stuðningi og kennslu við hæfi, í lengri eða skemmri tíma.“

e. Önnur mál

Engin önnur mál.

2. Sameiginleg málefni skólanna.

Undir þessu lið sátu: Bjarni Stefánsson, Margrét Drífa Guðmundsdóttir, Axel Páll Einarsson, Hjalti Guðmundsson, Sævar Örn Sigurvinsson, Þórunn Jónasdóttir, Íris Grétarsdóttir og Catharina Krentel, Sara Guðjónsdóttir, Þórdís Þormóðsdóttir og Helga Rut Hallgrímsdóttir.



Engin sameiginleg mál voru til umfjöllunar að þessu sinni.

3. Krakkaborg

Undir þessu lið sátu: Bjarni Stefánsson, Margrét Drífa Guðmundsdóttir, Axel Páll Einarsson, Hjalti Guðmundsson, Sævar Örn Sigurvinsson, Sara Guðjónsdóttir, Þórdís Þormóðsdóttir, Helga Rut Hallgrímsdóttir.

a. Fréttir af skólastarfinu.

Leikskólalífið er alltaf blómlegt og eitt og annað búið að gerast og enn meira á döfinni. Í nóvember höldum við alltaf upp á afmæli Blæs og Lubba, en í tilefninu erum við með sameiginlega sögustund og fáum afmælis ávexti. Við vekjum athygli á vináttu þegar Blær á afmæli og setjum af stað lestarátak þegar Lubbi á afmæli þar sem við reynum okkar besta að standa vörð um málið okkar. Elstu nemendur á Krummadeild taka þátt í aðventutónleikum Flóahrepps og eru jólalögin farin að óma um gangana hjá okkur.

Nýr nemandi á Lóudeild kemur núna um mánaðarmótin og eru elstu nemendur á Lóudeild farnir að færa sig meira og meira inn á Ugludeild.

Nýr matráður tók við um miðjan mánuð en hún Svandís sagði starfi sínu laus um miðjan síðasta mánuð og var hún Kristín Tryggvadóttir tilbúin að hefja störf strax.

Við erum farin að huga að næstu skráningardögum sem eru um hátíðarnar og eru foreldrar búnir að fá tölvupóst um þá daga. Við erum með sama snið og síðast, gerum ráð fyrir því að allir eru í fríi nema ef foreldrar segi annað með því að senda tölvupóst á leikskólastjóra. Þegar þessar fréttir eru skrifaðar eru lítil viðbrögð búin að eiga sér stað en foreldrar munu fá áminningar um málið áður en skráningarfrestur rennur út.

Desember er alltaf skemmtilegur mánuður en það er alltaf markmið á leikskólanum að gera hann eins rólegan og ánægjulegan eins og hægt er. Oft er mikill erill á fólki og jólastressið getur stundum verið yfirþyrmandi en við reynum eins og við getum að minnka stressið, höldum haus og njótum samverunnar á aðventunni.

b. Stöðþjónusta.

Stöðumat og áherslur. Nemendaráðsfundir eru á 6 vikna fresti ef einhver mál eru til að taka fyrir. Þar er hægt að kalla til ýmiskonar sérfræðinga á öllum sviðum þegar kemur að börnum og einnig hægt að kalla til sérfræðinga frá HSU. Þórdís reynir að grípa börn snemma og koma þeim að hjá talmeinafræðing ef þörf er á því en mikil bið er hjá talmeinafræðing.

4. Önnur mál.

- Aðeins komið inná viðhaldsmál hjá leikskólanum, bara almennar umræður.